


# 黄庭内景玉经注 肾部章第十二

肾部章第十二神仙刘长生解 肾部之宫玄阙圆，精通法海，妙隐蟾官，天花乱坠，遍满虚空。中有童子冥上玄，大仙玉童，恍惚杳冥，功成蝉蜕，现出真形。主诸六府九液源，阳和精固，神调六府，玉液既萌，中央净土。外应两耳百液津，耳听云雷，电闪龙降，逆顺交通，性无愚憨。苍锦云衣舞龙幡。褰步金莲，法身明大，瑞气盈盈，结成华盖。上致明霞日月烟，致虚极妙，两耀交光，大丹九转，体遍纯阳。百病千灾急当存，无情病除，至善灾灭，察尽万有，太虚明彻。两部水王对生门，阳道修生，修死，三清九幽，明暗奥旨。使人长生升九天。仙升九天，鬼沉九地，圣凡生死，悟难迷易。



[下载本文pdf文件](/pdf/6129-黄庭内景玉经注 肾部章第十二.pdf)